



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Consolator Fidelis Et Proficientis Animæ seu  
Exhortatiunculæ Spirituales Et Succinctæ In singulas  
Dominicas & Festa anni divisæ, quibûs Confessarius in S.  
tribunali animam Deum verè quærentem paternè ...**

**Eisvogel, Veremund**

**Augustae Vindelic., 1727**

Januarius.

[urn:nbn:de:hbz:466:1-52716](https://nbn-resolving.org/urn:nbn:de:hbz:466:1-52716)



EXHORTATI-  
UNCULÆ  
CONSOLATORIÆ

Pro

omnibus totius anni  
*diebus Festivis.*

JANUARIUS.

Festum Dolorosissimæ Cir-  
cumcisionis D. N. J. C.

EXHORTATIUNCULA I.

**A**biit unus, & annus rediit alter.  
Pro præterito satisfaciamus,  
quia peccavimus sæpiùs. Pro  
præsenti imploremus novas  
virtutes, & gratias, ut Deo eò ferven-  
tius servire valeamus. Hæc omnia da-  
bit vulneratus Jesus! primam hodie  
subiit

162 I. Januarii. Circumcisionis Domini.  
subiit sanguinis effusionem. En! tanti  
constitimus Christo.

*Instructio meritoria.*

Quoties audierit pronuntiari Nomen  
Dulcissimum Jesu, toties detecto capite,  
illud salutemus in corde dicendo: *Sit  
Nomen Domini Benedictum &c.* In ve-  
nerationem verò hodiernæ solemnitatis  
persolvat Litanias de hoc sacratissimo  
Nomine, & quidem, si fieri potest, co-  
ram præsepio. Hic vigilat amor!

II.

**V**Ox sanguinis clamat ad nos! ô fili!  
quæ vox illa? Jesu est, & quidem  
Jesu circumcisi. Quid verò clamat?  
fraternam charitatem, humilitatem, &  
mutuam in adversis patientiam. Nega-  
bimus id Fratri? Conservatori? Amato-  
ri tanto?

*Instructio meritoria.*

Absit! citò ad Præsepe Domini, &  
in testimonium compassionis fraternæ  
*Officium minus de Sanctissimo* Nomine  
magno pietatis sensu peragat. Sanctum  
Sancta decent.

III.

## III.

**A**H! quousque Dei descendit humilitas? hodie obedit Deus, seque subicit legi, circumciscus ut homo. Fili! aut Deo parere debemus, aut cupiditatibus, vel dæmoni. Quid eligimus? humiliant capita nostra superba S. Bernardi verba: *Disce homo obedire, disce terra subdi, disce pulvis obtemperare.*

*Instructio meritoria.*

Annum præsentem inchoet ab imitatione & humilitate Jesu. Offeramus Circumciso *Rosarium Dolorosum* cum Cursu Mariano, repetitò sæpius suspiriò: *Jesu sanguinolente! tuus sum in hunc annum, & omnem vitam. Suscipe me secundum eloquium tuum, & vivam: Et non confundas me.*

**Festum S. Odilonis Abbatis**  
ex Ord. S. P. Benedicti Consolatoris præcipui animarum in purgatorio.

## EXHORTATIUNCULA I.

**A**Uxiliò, & suffragiis indigent fideles, & inter flammæ purgatorii dolorosæ animæ. Harum annuam commemoro.

memo-

memorationem instituit S. Odilo, verè Pater afflictorum. Fili! post mortem quid optabimus? S. Odilonis instituisse pietati, & defunctis quotidie succurrisse. Captivi sunt! misereamur!

*Instructio meritoria.*

Inchoemus igitur cum novo anno, & omni die vel à manè, vel ad noctem Psalmum *Miserere* cum *De Profundis* pro omnibus defunctis offeramus Deo; imò singulis mensibûs unum sacrificium, vel sacramentalem Communionem eis donemus, memores dicti à S. Chrysostomo: *Gratis misericordiam sperat is, qui misericordiam non fecerit.*

II.

**Q**uid video? parvulum Odilonem omnibus membris captum reperere ad aram Mariæ. Infans invocat Matrem, & sanitatem obtinet. O nos incurios! est tota mirabilis Virgo Maria: Et in necessitatibus hanc negligimus, atque ad humana confugimus opera. Quid mirum, si fallamur conceptâ spe? sileat misericordiam tuam (exclamat D. Bernardus) Virgo Beata!

si

si quis est, qui invocatam te in suis necessitatibus sibi meminerit defuisse.

*Instructio meritoria.*

Visitemus in Aris suis Mariam, eamque salutemus filiali illo hymno: *Ave Maris Stella &c.* Fili! tristamur, si sine salutatione, aut aliò reverentiæ, ac amoris signò transeamur ab homine: Quid ad nostram inurbanitatem, & incuriam Coelorum Regina? Mater sum: Sed ubi honor meus?

III.

**A**Bbas Cluniaci factus quàm Sanctissimus fune, super collum injectò, quotidie se Deo, & Mariæ devovit in perpetua charitatis, & humilitatis obsequia. Fili! hunc funem, hanc charitatem quamdiu jam expectat à nobis cœlum? utinam traheremur in funiculo S. Odilonis! utinam & exemplis aliorum Dei famulorum! Deus si nostra non rapiat corda: Quid ergo?

*Instructio meritoria.*

Procuremus pietati nostræ ejusmodi amoris funiculum, & si non quotidie ante cubitum, saltem nobis injiciamus solemnio-

lemnio-

lemnioribus Festis Domini, & Mariæ formulamque addamus aut sodalitiæ aut Religiosam, seu sacræ Professionis. Dilecte! interrogat de fructu? audiemus: Dimittuntur ei peccata, quia dilexit multum.

Festum S. Eduardi Angliæ  
Regis.

EXHORTATIUNCULA I.

**H**ic Rex, hic Princeps est, qui pauperes, ac infirmos suis regalibus excepit humeris, ut eorum providè succurreret necessitatibus. O fili! Reges pro Deo, pro virtute, & gratiæ merito ita se humiliant: Quid nobis agendum? certè palea minima amore Dei, vel proximi sublata de terra plùs valet in cælo, quàm universa mundi vanitas. Quid enim in oculis Domini fortitudo Alexandri? quid Majestas Cæsaris? quid Ciceronis eloquentia? *In nihilum computabitur*, ait Salomon. Qualis veritas?

*Instructio meritoria.*

Amemus igitur opera virtutum. Hæc sola in cælo pretiosa est. Ut verò thesauros

sauros colligamus, sacculosque nobis faciamus, qui non veterascunt, proximo nostro sex specialis amoris, & reverentiae actus impendamus & post signum salutationis Angelicae *tria Pater & Ave* addamus pro obtinenda perfecta charitate erga Deum, & proximum. Non erit sine mercede haec Christiana pietas.

## II.

**D**Anis Angliam miserè vastantibus, quid agit Eduardus? Mariam in Adjutricem eligit, & invocat. En! quò in periculis, & hostium insidiis confugiendum. Maria nos expectat; brachia, & manus in opem porrigit, ut suscipiat, atque protegat periclitantes. Quid igitur stamus hìc otiosi?

*Instructio meritoria.*

Habet adhuc Anglia vastatores suos Danis crudeliores, quia haereticos impiissimos. Ut Maria succurrat tot periclitantibus animabus pro Angliæ, & aliarum nationum conversione *Cursum Marianum* manibus S. Eduardi offeramus SSS. Trinitati. Fili! *Deum imitemur* (monet Augustinus) *qui amavit nos*



*nos fædos, ut ex fædis faceret pulchros.*  
 Ut quid irascimur peccatoribus? aut cur  
 reprobamus? nobis timeamus! pro aliis  
 oremus, *charitate fraternitatis invicem  
 diligentes.* Rom. 12.

## III.

**R** Ex hic Sanctissimus nihil non dabat,  
 cùm nomine S. Joannis Evange-  
 listæ rogaretur. In præmium ab eodem  
 Apostolo admonetur de instante mortis  
 horâ, & ad cœlorum invitatur gaudia.  
 O fili! quis cœlites, & Dei sanctos jam-  
 jam triumphantes non jugiter colat, &  
 diligat? *Nimis honorati sunt amici tui  
 Deus!*

*Instructio meritoria.*

Erit totus quondam infernus, qui de-  
 cumbentes in lectulo mortis nos impu-  
 gnabit. Advocatos quæramus. Cœ-  
 lum habet. Invocemus omnes domesti-  
 cos Dei *Litanias de omnibus Sanctis*  
 persolvendô & nomen S. Eduardi quàm  
 devotissimè implorandô. Si Deus, si  
 Sancti pro nobis, quis contra nos?

Solemnitas Gloriosissimæ Do-  
mini Epiphaniæ.

EXHORTATIUNCULA I.

**E**Cce ! stella adest ! vocat Reges ad  
præsepe Domini. Stella hæc gra-  
tia divinæ Vocationis est. Nunquid &  
nobis apparuit? curramus ergò, & ado-  
remus Deum, ne revocet cœlum.

*Instructio meritoria.*

Gratiæ vocationis ut Zelosè coopere-  
mur, in nostros per omnem vitam in-  
vocemus Patronos tres Magos Christo  
Jesu acceptissimos, quorum gloriæ con-  
gaudeamus in cœlis, intonando *Te Deum*  
*Laudamus* cum oratione de Festo. Ho-  
nor est grandis, cum Regibus agere.

II.

**P**Auper est Jesus: Pauper Maria: Pau-  
per & S. Josephus. Munera expe-  
ctant, ut in sua ditentur paupertate Fili!  
negabimus ea? quæ hæc inhumanitas?  
Crudelior judaicâ, quæ non recepit eos.

*Instructio meritoria.*

Citò consolemur! tria sunt munera,  
quæ Magi obtulerunt Domino. Tria

H

statua-

statuamus & nos proposita quoad temperantiam, & taciturnitatem, quæ deferamus ad Præsepe, & offeramus Jesu, Mariæ, & Josepho, ubi & *Litanias* de iisdem SS. Personis subjungamus affectu quàm ardentissimo. O quid non recipimus de manu Jesu, Mariæ, & Josephi? amore reddamus reciproco.

## III.

**M**Agi stella præeunte inveniunt Jesum cum Maria. Bona, Christiana, & exemplaris vita nos ducet feliciter, monstrabitque Deum, & in Deo omnia. Fili! vitam exemplarem nunquam dimittamus, ne & Deum, & cum Deo perdamus omnia. Teneamus, stringamus, quia ipse ait Jesus inter brachia Matris: *Deliciae meae sunt esse cum filiis hominum.* O Charitatem!

*Instructio meritoria.*

Et quot sunt, qui hanc stellam, hanc vitam prorsus contemnunt? an non totus mundus in maligno est positus? quis inde Jesu dolor? mitigemus, & pro conversione omnium infidelium, paganorum, & hæreticorum coram præsepio

Offi.

VII. Januarii. S. Raymundi de Pennafort. 171

Officium *de dulcissimo Corde* Jesu persolvamus. O munus Deo, & coelo gratissimum.

Festum S. Raymundi de Pennafort Redemptoris Captivorum.

EXHORTATIUNCULA I.

CUM lacte pietatem & amorem Dei, ac Mariæ hausit, haustumque toti mundo communicavit, doctrinâ, & sanctitate vir celeberrimus. Fili! quando serîo inchoabimus in Dei, & Mariæ obsequiis? ætas transit; evanescent tempora: Quid sic remanebit in sacculis nostris pro æternitate? non terreat virtus! omnis enim difficultas potissimum in nobis est. Plura terrent, quàm premant. Non simus miseri ante tempus.

*Instructio meritoria.*

Misereamur igitur animæ, & ne nuda compareat in Dei judicio, quotidie unò vestiamus Rosariò, & si cum discretionè liceat, jejuniò sabbathinò etiam in annos multos continuandò, haud ignari, quid nobis Bernardus: *Omni-  
tricem se pia facit Virgo, omnibus miseri-*

H 2

*cordiæ*

172 VII. Januarii. S. Raymundi de Pennafort.

*cordie sinum aperit, plenitudinem ejus accipiunt universi. Quantò abundantius Zelosi Mariophili!*

II.

**M**onetur à Maria, ut pro Redemptione Captivorum institueret Religionem sub Titulo Beatissimæ Virginis de mercede. Obediit filius Matri; Ordinem erigit ô quanto cum afflictorum solatio, & lucro!

*Instructio meritoria.*

Veneremur S. Ordinem à charitate, & misericordiâ inclytum, & ut viros semper pariat Ecclesiæ ergà quoscunque sive corpore, sive animâ miseros commiseratione insignes, merita hodiernæ diei pro illius incremento offeramus. Faciet S. Raymundus, ut & nos omnia fiamus. O Ucinam! Inhæreat cordibus nostris Hilarii Arelat. tessera: *Tam pretioso munere nostra peragitur Redemptio, ut homo Deum valere videatur.*

III.

**F**lli! grande est prodigium, quod Deus operatus est in hoc suo dilecto famulo. Nam 160. milliaria palliô super

per aquas stratô confecit, & suum cœnobium januis clausis intravit. Vir in spiritu etiam ab ipsis honoratur elementis.

*Instructio meritoria.*

Transeundæ & nobis multæ aquæ tribulationis, & contradictionis. Ne corpus nos mergat, unum, vel alterum cibum ex delicatioribus huic subtrahere generosè statuamus, adhibitô desuper examine particulari de temperantia, & sobrietate. Quas virtutes ut obtineamus, pro defunctis animabus ante refectionem 5. *Pater & Ave cum de Profundis* recitemus. Summum imperium est, posse temperare gulæ.

**Festum S. Laurentii Justiniani**  
Venetiarum Patriarchæ.

EXHORTATIUNCULA I.

**E**Minuit scientiis, & doctrinæ donis; at nihili hæc omnia duxit Laurentii humilitas continuò sibi dicens: *Deus est omnia; homo verò, & quæ hominis sunt, nihil.* Fili! quid nos ad hanc doctrinam? sapiamus cum S. Laurentio, & soli studeamus, nosque totos impendamus

H 3

Deo.

Deo. O dilecte! meliorem Deum habemus, quàm cogitamus.

*Instructio meritoria.*

Quomodo autem? omnia studia nostra inchoemus hodie à S. precibus, & invocatione Divini Nominis, præmittendò videlicet hymnum: *Veni S. Spiritus &c.* omnis enim sufficientia nostra ex Deo est. Dat sua roganti; negat verò superbi.

II.

**P**ost 15. extructa templa, & coenobia, sanctè quievit non ex otio, & desidia, sed ut eò liberaliùs, & ferventiùs scribere posset de laudibus, & Excellentis Mariæ. O fili! sic otari sanctum est, Qui operari desinit, amorem in Deum, & Mariam negligit. Felix corpus, si in Divino, & Mariano conteratur obsequio!

*Instructio meritoria.*

Scribere didicimus! tributarium ergò nostrum faciamus calamum Deo, & Mariæ, & quoties occurrunt Jesu, & Mariæ Nomina, detectò capite, vel flexis genibûs, & majusculis litteris scribamus.

Nun-

Nunquam calamus sacrator, quàm dum intendit Jesu, & Mariæ. Oremus hodie Litanias Lauretanæ, vel de Nomine Jesu. Tristamur? charissime! veniat in cor nostrum Jesus, & Maria!

## III.

**F**actus Venetiarum Patriarcha pro tessera diurna adhibuit illa Pauli verba: *Non auditores legis justi sunt apud Deum: Sed factores legis justificabuntur.* Hinc tanta ei sanctitas, quàm omnibus fieri omnia meruit. Fili! quid hinc vita nostra? multa scimus, plura didicimus; verùm ubi opera? profectò ex nostra peccandi facilitate, & terrenorum cupiditate haud dignoscitur, nos credere paradisum, & infernum esse. O nos ignobiles! indignos Christianæ pietatis discipulos!

*Instructio meritoria.*

Factores ut nos probemus Divinæ legis, urnulam menstruam, & in urnula totidem schedulas, quibus inscripti sint nobiliores variarum virtutum actus, ponamus, quot dies numerat mensis. Quotidie unam tollamus: Sic nulla dies



transibit sine bono opere, & optatâ meriti, ac correspondentis præmii mercede, Urnulam antequàm assumamus, *Litanias de omnibus Sanctis* præmittamus, Fodiamus, ut reperiamus.

Festum B. Gondisalvi Ordinis  
Prædic.

EXHORTATIUNCULA I.

Quis parvulo frequenter ploranti absterfit lacrymas? ostensa B. V. Imago. Et perfectò quis tristetur in oculis Mariæ, quæ Mater, & consolatrix afflictorum? verè S. Ephrem: In Maria invenit captivus redemptionem, æger curationem, tristis consolationem, justus gratiam, & peccator veniam. Quid & nos speremus? fili dilecte!

*Instructio meritoria.*

Mel in corde, & lac in ore est Nomen Mariæ. Ideo centies, & usque centies hodie ingeminemus: *Ave Maria!* O Magna! ô pia! ô multùm amabilis Maria! tunc nominari quidem potes, quin accendas, nec cogitari, quin recrees affectus diligentium te. S. Bern.

## II.

**G**ondisalvo Maria suavit, ingredi S. Dominici familiam, quia sibi sacram. Non cunctatus obediit, venit, Mariæ, & S. Dominici filium induit. O fili! ita suos curat clientes coeli Domina. Curavit & nos.

*Instructio meritoria.*

In statu vivimus magnæ felicitatis. Sed cujus beneficiô, curâ, & solitudine? nonne Mariæ? gratias agamus, & pro gratia vocationis 15. *Pater & Ave* cum suis 15. *Mysteriis* recitemus coram devota Icone. Maria expectat: Reddamus, quod debemus. Quidquid gratiarum, quidquid virtutum, quidquid operationum coelestium mundus accepit, emissiones tuæ sunt, ô Maria. Rup. Abb.

## III.

**O**Fili! non poeniteat, quidquid laboris, aut pietatis pro cultu, & amore in B. V. Mariam assumpserimus. In lectulo mortis compensabuntur omnia. En! morienti Gondisalvo adfuit Mater, & ad coeli invitavit gaudia. Hæc

H 5

ex-

expectamus? in amore perseveremus. Videtur enim Maria dicere Filio, sicut Filius Patri : Volo Fili, ut, ubi ego sum, ibi sit & minister meus. Rich. à S. Laur.

*Instructio meritoria.*

Omniū terribilium terribilissimum mors est. Suavissimam ut sentiamus, ad elevationem S. Hostiæ, & S. Calicis sub sacrificio Missæ Jesu, & Mariæ nostram agoniam cum ultimis torturis quàm affectuosissimè commendemus, addendo *tria Pater & Ave* cum Antiph. *Sub tuum præsidium &c.* potentes invitandi sunt. Nihil tuæ, ô Virgo! resistit potestati. Nihil repugnat tuis viribus; omnia tuo obediunt imperio; omnia tuæ potestati serviunt. Greg. Nicomed.

Festum S. Mauri Galliæ Apostoli cum indulgentiis plenariis.

EXHORTATIUNCULA I.

**A**D sanctitatem aspiramus Benedictinam? optimè. At ubi sunt alæ, quibus citò eò avolamus? en! porrigo in humili, prompta, & hilari S. Mauri obedientia. Hac solâ dignoscimur: An  
simus

simus genuini Jesu Christi, S. Benedicti,  
& S. Mauri discipuli? esse verò, ò quan-  
ta gloria!

*Instructio meritoria.*

Ut per omnes S. Ordines virtus hæc  
æquè nobilis, quàm summè necessaria  
triumphet, recitemus *Litanias* ex Tri-  
themio de omnibus Sanctis SS. Ordinis  
Benedictini, cum 12. actibus abnegan-  
dæ voluntatis propriæ. Obedientia nul-  
la sine sui exercitio. *Propria voluntas*  
*Deo semper inimicatur.* S. Laur. Just.

II.

**S** Maurus incedit super aquas; tamen  
non mergitur, nec clamat cum Pe-  
tro: *Domine! salvum me fac.* Parcunt  
aquæ his, qui ad vocem & nutum cur-  
runt superioris, rejectâ voluntate pro-  
priâ. Leve reddit omne corpus strenua  
voluntatis mortificatio. *O malum de-  
testabile! ò antiqua nequitia, quancum*  
*dominaris!* S. Laur. Justin.

*Instructio meritoria.*

O fili! unde tanta dispendia rerum?  
ex propria voluntate. Subjiciamus  
hanc Deo; igitur integram instituamus

Octavam in honorem prodigiosæ S. Mauri obedientiæ, & quotidie cum 3. *Pater & Ave* illam quoque orationem subnectamus, quam Ecclesia ipsa usurpat in hebdomade Majore: *ψ. Christus factus est pro nobis obediens usque ad mortem, & Mortem autem Crucis.* Oremus: *Respice quæsumus Domine super hanc familiam &c.* Crucifixum intuemur: *Ecce non obediamus?*

## III.

**C**ontinentiæ fuit tantæ S. Maurus, ut per S. Quadragesimam bis tantum in hebdomade, & quidem parcissimè sumeret cibum: Somnum stando, aut super aggestum calcis, & sabuli stratò ciliò capiebat. Fili! quid hoc? nimium timemus corpori nostro: Cur? quia aut modica, aut nulla in Deo est nostra confidentia. Regnat caro: Extincta luget ratio. Qualis hic homo?

*Instructio meritoria.*

Patiamur hodie incommoda quædam in stando, sedendo, aut jacendo, gaudentes, & gratias agentes toties, quoties malè fuerit corpori. Caro non quiescit, nisi

nisi sub fercula. Exhibuimus membra iniquitati ad iniquitatem : Serviant jam justitiæ ad sanctificationem. Ut fiat, in honorem totius S. Passionis Dominicæ *Rosarium* recitemus *dolorosum*. Capiti sic simile membrum.

**Festum S. Pauli Eremitarum**  
Patriarchæ.

**EXHORTATIUNCULA I.**

**V**ideo fugientem è sæculo in deserta Paulum. Quæ causa ? quia vidit pereundi occasiones, & pericula nimis quantum certissima. Exulabat fides cum castitate, & vita mortalium ducebatur non nisi inter carnis delicias, & turpia oblectamenta. Sic fugere, salvari est. Nec fuga ignobilis, quâ pervenitur ad Deum.

*Instructio meritoria.*

Ne petuliat sensualitas, unô, alterôve abstinentiæ actu ad prandium, & cœnam reprimamur, & sedentes ad mensam spiritualiter communicemus. Christum nobis nutriamus, & spiritum ; corpus verò & appetitum trucidemus. Pro ob-

tinendis quatuor virtutibus Cardinalibus  
oremus 14. *Pater & Ave* expansis bra-  
chiis.

## II.

**T**Antis in solitudine deliciis S. Paulum  
repleverat Deus, ut mundum, &  
voluptates æternùm valere jussit. O  
nos ignavos in vita spirituali! vocat Deus,  
vult & nos à mundano expediri strepitu!  
deseramus & experiamur, quàm jucun-  
dum soli intendere Deo, & iis, quæ Dei  
sunt. Piè viventibus non subtrahuntur  
deliciæ, sed mutantur.

*Instructio meritoria.*

A prandio adeamus templum, vel co-  
ram alia cubiculi imagine sancta nos re-  
colligamus, meditando illa Pauli verba:  
*Sic transit gloria mundi.* Pro acquiren-  
do autem perfecto rerum terrenarum  
contemptu addamus Litanias de dulcis-  
simo Nomine Jesu. Jesus mel in corde,  
& lac in ore. *Tristatur aliquis? veniat  
in cor ejus Jesus.* Bern.

## III.

**F**ili! qui multùm conversantur inter  
homines, rarò sanctificantur. S. Pau-  
lus

lus 80. annos exegit in solitudine, quin ullum videret hominem præter S. Antonium, quem Deus ipse advocavit. Dilecte! patet causa, cur tam modica sanctitas nostra? magis vivimus homini, quàm Deo. Sed quid hîc S. Augustinus? *Amplectar te bonum, sine quo nihil est bonum! amplectar te optimum, sine quo nihil optimum.*

*Instructio meritoria.*

Per quamlibet septimanam, diem Mercurii, Veneris, & Sabbathi, aut diem alium solemnem alicujus profesti veneremur sancto silentio, & recollectione mentis, ac vitæ. O quàm pura, quàm quieta, & serena tunc servabitur conscientia. Hâc præveniamus Festa. *Quid prodest solitudo corporis, si solitudo defuerit mentis.* S. Greg.

Festum S. Antonii inter Eremitas Primi Abbatis.

EXHORTATIUNCULA I.

**A** Udiit ex S. Evangelio: *Si vis perfectus esse, vade, vende omnia, & da pauperibus.* Dedit Antonius fugiens  
ad



ad antra, eremos, & deserta. Fili! miramur nunquid tam generosè pauperem? verùm audiamus, quid S. Hieronymus: *Affatim dives est, qui cum Christo pauper est.* Rejiciamus mundi sarcinam, ne opprimat.

*Instructio meritoria.*

Nihil negemus hodie justa petentibus; & si non habeamus, quod demus de substantia, demus saltem de bona voluntate, demus pacifica, & verba mitissima. Pro omnibus afflictis, miseris, & indigentibus offeramus 34. *Pater & Ave.* Et hæc in cultum ætatis Christi, qui benefecit omnibus.

II.

**Q**uis liber à tentatione? nec sancti Antonius fastu vanitatum, divitiarum fulgore, & voluptatum illecebris tentatur ab inferis. Sic nullus locus ab hostibus securus. Fili! terreat nos tandem nostra in vivendo libertas! putamus, nos stare. Attimendum, ne in momento cadamus. Ubique enim tentatio! ubique dæmon! ubique caro!

rectè

rectè S. Laur. Justin. *Securitas est facilis ad lapsum.*

*Instructio meritoria.*

Ad arma! ad Vigilias! ad preces! familiarem nobis illam, hodie præcipuè, faciamus tuendæ puritatis formulam: *Per Immaculatam Conceptionem, & Intemeratam Virginitatem tuam ô purissima Virgo! emunda † cor † corpus † & animam meam.* Addamus & Officium de Immaculata Conceptione. Vis mundus esse? Mundam dilige!

III.

**P**ro testamento suis discipulis nobilem reliquit doctrinam dicens: *Credite filii! pertimescit Satanas piorum vigiliis, orationes, jejunia, voluntariam paupertatem cum humilitate.* Ecce! his virtutibus superantur inferi.

*Instructio meritoria.*

A manè excitati statim surgamus, intentionem matutinam quam devotissimè coram SS. Altaris Sacramento præmittamus, ad prandium, & coenam aliquem cibum esurienti Jesu offeramus, nostraque abstinentiâ pauperes pasca-  
mus.

mus. Quis neget, & nos tunc in humilitate profecisse plurimum? vade ergo retrò Satana! depellamus recitando Cursum Marianum. Quod aurora noctuæ, id est Maria Satanae.

Festum Gloriosissimi Martyris  
S. Sebastiani Patroni contra pestem  
potentissimi.

EXHORTATIUNCULA I.

**H**eu! peccata nostra clamant vindictam coram Iudice Divino! Fili! quid fiet nobis? verum stat fixum, & irrefixum, Deum nostrâ placare humilitate, & poenitentiâ. Pro meritis ne arripiat flagellum suæ iracundiæ, nosque omnes feriat miserâ peste, confugiamus ad S. Sebastianum, quem & quotannis speciali veneremur pietate. Potense est! vivamus, ut mereamur.

*Instructio meritoria.*

Quæ autem pietas illa? in profesto jejunemus, & pro tota dilecta patria in templo coram Sanctissimo *Septem Psalmos poenitentiales cum Litanis Majoribus* (tempore opportuno) recitemus.

Ore-

Oremus, ne incidamus in manus Domini.

## II.

**O** Quàm angustâ, & difficili viâ penetravit coelos S. Sebastianus! porta ad coelum angusta est. Quis intrabit? certè non pinguis, non carnalis, superbus, avarus, & temporalium cupidus homo. Sarcinam rejiciamus sæculi, & non audiemus illud Filii Dei: *Clausæ est janua: Nescio vos!*

*Instructio meritoria.*

Quidquid verbi, vel operis adversi nobis obvenerit hodie, S. Sebastiani memoriâ, in patienti, & humili silentio supportemus mentaliter invocantes Deum notô afflictorum Psalmo: *Ad Dominum cum tribularer, clamavi &c.* Qui confidit in Domino, sicut mons Sion, non commovebitur in æternum.

## III.

**N**on timuit vir Dei Carnificû manus, nec Imperatoris sententiam. En! restitutus sese denuò sistit oculis tyranni, potius querens patiendi occasionem, quàm effugiens. O fili! causam Dei defendimus,

mus,

mus, videntibus, & invidentibus pluribus angelis, qui lucro haberent maxima pati pro suo Domino: & hoc nos possumus: nobis hoc insigne est factum beneficium, ut pro Dei honore pugnemus. Theatrum Deo, Mariæ, Angelis, & omnibus sanctis sumus. Sæpè nos strenuos promissimus: cur in occasione torpemus timidi?

*Instructio meritoria.*

In occasione tribulationis, contradictionis, correctionis, aut confusionis mentem elevemus ad Dominum, & pro submissa patientiæ ac humilitatis occasione laudemus psallentes: *Laudate Dominum de Cælis &c.* Christianorum est in Cruce magis, quàm in quiete lætari. Chare! non ambiamus beatitudinem, cujus finis interitus. Pati sit omne gaudium nostrum!

**Festum S. Agnetis V. & Martyris  
Constantissimæ.**

**EXHORTATIUNCULA I.**

**F**ili! in Divinis, & spiritualibus repetimus obsequis? non ita. Sed recorde-

cordemur laborum Christi. Intueamur tot nobiles parvulos, qui palmam nobis præripiunt; & teneras Virgunculas, quas inter & duodennis Agnes fortitudinis prodigium. Contemplemur fervorem Antiquorum Patrum, & tormenta Martyrum. Quis nostrum lanqueat amplius, tot nobis ad cælum præcurrentibus?

*Instructio meritoria.*

Vt fervor crescat in cordibus omnium Christianorum, præcipuè religiosorum, Canticum, *Benedicite omnia opera &c.* oremus. O quàm modicus fervidè Deo servientium numerus! augeamus. Lassetur corpus, modò ardeat pectus! huic non est benè, nisi illi fuerit malè, Unum alterius deficit incremento.

II.

**S** Agnes puella innocentissima in mediis ignibus accenditur magis ad amandum Deum, & vulneribus gaudet se similiorem Christo, sponso Castissimo. Christiani sumus, mi dilecte! & pro Christo quid magni facimus, aut patimur? Agnetem viribus superamus,  
amo-

amore, fide, constantia ò quàm inferiores hâc virgunculâ!

*Instructio meritoria.*

Ter hodie accedamus supplices ad S. Agnetem, & illius meritâ à Deo inordinatâ nostrâ tristitiâ, indignationis, & fractâ in bono constantiâ, præsertim negligentiarum in exercitio amoris imploremus veniam, *quinque Pater*, & *Ave* cum *Credo* expansis brachiis recitandò. Dolere de offensis, filiorum Dei est.

III.

**F**ili! si Crederemus ut S. Agnes; Si diligeremus quod S. Agnes; Si solum Christum profiteremur vitâ & moribus ut B. Agnes, generosius responderemus mundo, carni & diabolo, quod responderat Agnes: *apage! jam pridem desponsata sum Christo.* Hinc cæcitas mentis! hinc nostra constans inconstantia! quid autem hoc? juravimus fidei Deo: & pro libitu violamus? fideliores Creaturis, quàm Creatori.

*Instructio meritoria.*

Ad sacrificium Missæ præmittamus  
Rhy-

Rhythmus S. Augustini: *Noverim me!  
noverim te, nec aliquid cupiam nisi te.*  
& cum trina Communione Spirituali  
per diem instituenda. *Amo te, Domi-  
ne! & si parum est, amem validius:  
amem purius.* S. August.

Festum S. Meinradi Einsidlen-  
sis Eremiticæ, & Martyris prodigiosi.  
Ex Ord. S. P. Benedicti.

## EXHORTATIUNCULA I.

**Q**uinquennis desertô comitis titulô  
monasterium, inde solitudinem  
petiit. Ut retraheret tartarus,  
gravibûs in virum insultibus irruit: sed  
incassum. Recreatus enim Angelorum  
confortiô, risit impotentis hostis cona-  
tus irritos. Cum Deo agentibus quid  
timendum? nihil. Latrant inferi, ut  
vigilemus, & stemus in armis.

*Instructio meritoria.*

O Fili! diu jam distractionibûs, &  
vanis dissipamur cogitationibûs. S.  
Meinradi meritâs liberari possumus. In  
Patronum nostrum eligamus, & hodie  
*Litanis de omnibus sanctis S. Ordinis  
nostri*



nostri eundem veneremur : Sæpè tempore distractionis, & evagationis ingemiscetes : O S. Meinrade ! vim patior ! responde pro me.

## II.

**M**Agnum, & ultrà hominem est, ait S. Petrus Dam. asperitatem verborum, & verborum non tantùm patitur sed & non reddere. Illud verò majus, & quid Divinum sapit: *benefacite his qui oderunt vos.* Hanc veritatem implevit Meinradus, dum latronibus, quidquid habuit ciborum, benevolè apposuit. Gratiarum actionis locò cruenta cecidit victima, eò gratior Deo, quò inhumanior homo.

*Instructio meritoria.*

In bono vincamus malum. Pro omnibus igitur nostris malefactoribus, ne Deus aut corpore, aut anima puniat, unum offeramus Rosarium de misteriis dolorosis, cuilibet decadi inferendo petitionem Christi: *Pater ! dimitte illi ; quia nesciunt, quid faciunt.* Bonus, & verus Christianus non habet inimicum nisi se solum.

## III.

**I**N loco Martyrii Maria Martyrum Regina sibi Capellam constituit, quam Ipse Dei Unigenitus in propria consecravit persona. Tanti coram Deo, & Maria est, ignovisse malefacienti. Cor plenum charitate erga inimicos templum Domini sanctum est. O Fili! cadat Dagon! pereat indignatio, & spiritus ultionis! nobis enim illud relictum est mandatum Domini: *Discite à me; quia mitis sum, & humilis corde.*

*Instructio meritoria.*

Pro omnibus vindictam, odia, & ne-  
ces spirantibus officium de *Dulcissimo*  
*Corde Jesu* offeramus S. Meinrado, hu-  
militer supplicantes, ut det nobis famu-  
lis suis illam, quam mundus dare non  
potest, pacem, omnique hostium sub-  
latâ formidine, tempora sint suâ pro-  
tectione tranquilla.

I

Festum

Festum Desponsationis B. V.  
Mariæ cum SS. Josepho.

## EXHORTATIUNCULA I.

**N**uptiæ sunt! cor vestrum petit Je-  
sus, Maria, & Josephus. Hoc ni  
Sponso, ni Christo, Mariæ & Josepho  
dederimus totum, dedimus nihil. O  
ingratitude! renuntiandum tan-  
dem est sæculo, & misero diabolo, ut  
intimè uniamur cum Deo. Nobis ad-  
hærere Deo, bonum est. Ubi fuimus,  
dum sine eo?

*Instructio meritoria.*

Dum nuptiæ sunt, offeruntur mune-  
ra. Talia & à nobis expectat Joseph  
cum Maria. Quid dabimus? cum sex  
heroicis modestiæ angelicæ actibus quo-  
que *Litanias, de tota SS. Consanguinita-  
te J. M. J.* persolvamus. Amicus ho-  
norat alterum. Numeramus in cælo  
plurimos: suspiciamus!

## II.

**C**astos casta decent. Castus erat  
Jesu Nutritius, casta & dulcis pa-  
rens; quia Virgines in ævum. O Fili!

not

nos sponsas profiteamur Christi. Benè: in tales nos Ipse elegit dicens: *Veni electa mea! ponam in te thronum meum &c.* at caveamus, ne macula sit in corde. Subtilis, & delicatus est amor! etiam in minimo offenditur. Chare! illum ergò amemus, quem amare debitum est: illum exosulemur, quem osculari castitas est. S. Paulinus.

*Instructio meritoria.*

Ah! quoties Jesum! quoties Mariam! quoties & S. Josephum offendimus quinque sensibûs nostris, quos plûs pascimus, quàm reprimimus. Deprecemur, & pro omnibus iniquitatibus quinque sensuum vel hodie fructuosè eluendis, oremus 15. *Pater & Ave* cum totidem osculis terræ. Clausis sensibûs nobis loquitur Deus. Utique D. Paulus clamat: *Obsecro vos fratres per misericordiam Dei, ut exhibeatis corpora vestra hostiam viventem, & Deo placentem.*

III.

**D**Esponsatio Mariæ gaudium annuntiavit universo mundo. Ex hoc enim ortus est nobis sol Justitiæ, Christus

Deus noster, qui solvit maledictionem,  
& dedit benedictionem. O igitur digna-  
re me, amare te Virgo Sacrata. Pro-  
fectò fuit Dominus cum B. V. & ipsa  
cum Domino in eodem labore, & in eo-  
dem opere nostræ Redemptionis. Ma-  
ter misericordiæ Patrem misericordia-  
rum adjuvit in opere nostræ salutis  
Rich. à S. Laur.

*Instructio meritoria.*

Quos Deus conjunxit, nunquid sepa-  
rabimus nos? absit ô Fili! cum *Officio*  
Immaculatæ Conceptionis oremus, &  
*Officium minus* de S. Josepho quod huc  
fecimus, fecimus & Filio Christo Do-  
mino. Et nunquid displicebit?

Festum S. Ildephonsi Archiepi-  
scopi Toletani.

EXHORTATIUNCULA I.

**D**elictum Mariæ fuit Ildephonsus  
Unde? quia hujus Virginitatem  
contrà hæresim Mariæ inimicam fortiter  
propugnauit, & totâ Hispaniâ eiecit. U-  
quid otiosus est noster in Mariam amor?  
undique hostes, persecutores Mariæ ubi-  
que!

que! Ah! si ego Mater: Ubi honor? ubi  
timor meus?

*Instructio meritoria.*

Defendamus Matrem, & ut impiæ ces-  
sent hæreses, omnisque exhibeatur Dei-  
paræ reverentia, per octo dies *Rosario-*  
*lum* constans *decem Ave* in veneratio-  
nem *decem Marianarum virtutum.*  
1. Castitatis. 2. Religionis. 3. Pruden-  
tiæ. 4. Humilitatis. 5. Fidei. 6. Grati-  
tudinis. 7. Obedientiæ. 8. Paupertatis.  
9. Timoris Dei. 10. Patientiæ summâ  
devotione recitemus. En! pietatem,  
quam Christus docuit B. Joannam Ord.  
Annuntiatae Mariæ.

II.

**O** Si sancti cœlites id nobis contesta-  
rentur, quod S. Leocadia Magno  
Ildephonso dicens: *Per te, Ildephonse!*  
*vivit Domina nostra.* Quàm benè, quàm  
suaviter forent nobis ultima vitæ tempo-  
ra! quid enim terreat Mariophilum?  
tenet Mariam: Quis auferet? mors?  
non auferet, sed uniet fortiùs cum Matre  
filium.

*Instructio meritoria.*

Vivat ergò Maria! vivat in potentiis!  
 vivat in sensibus! vivat in corpore, &  
 anima! decies per diem hæc ipsa repe-  
 tamus desideria, & hilari mente opte-  
 mus: *Vivat Jesus amor meus, & Ma-*  
*ria Mater ejus.* Porrò Litanias Laure-  
 tanas subjungamus. Infelix homo, qui  
 non vivit, nec servit Mariæ!

## III.

**F**estum Expectationis instituit S. Ilde-  
 phonsus. Placuit Mariæ Mariam  
 hæc pietas; amore reddidit amorem,  
 dum casulam obtulit pretiosam arte coe-  
 lesti. Non est virtutis obsequium, quod  
 non præmiatur Deus, & Maria.

*Instructio meritoria.*

Præmia ut & nos promereamur pluri-  
 ma, dies Mariæ sacros omni devotionis  
 sensu, & affectu præveniamus, aut vita  
 solitariâ, aut unâ, alterâve abstinentiâ.  
 Inchoemus hodie, & addamus illa septem  
*O majora.* Multum dat, qui propter Ma-  
 riam suos appetitus abnegat.

Con

## Conversio Mirabilis S. Pauli Gentium Apostoli.

### EXHORTATIUNCULA I.

**E**Cce! & nos persecuti sumus Jesum cum rebeli Saulo. Sit tandem ô fili! finis peccando! surgamus, & convertamur ad Jesum, qui tamdiu jam expectat nos. Convertamur per seriam pœnitentiam, per solidam morum conversionem, & continuam sensuum, & corporis mortificationem. Simus Jesu amatores, & nostrum generosi persecutores. Sic sic placabitur provocata offensionibus Dei Justitia.

#### *Instructio meritoria.*

Ad impetrandam tum nobis, tum aliis seriae & integræ conversionis gratiam, recitemus *Litanias majores*; offeramus & Sacram Communionem pro illuminatione gentium, & gravissimorum peccatorum. Qui hoc negligit charitatis opus, timeat, ne gravius cadat.

#### II.

**Q**uæso, dilecte! quid nos retardat à celeri conversione, & hominis



200 XXV. Januarii. Conversionis S. Pauli Ap.  
renovatione? tantane difficultatis con-  
verti ad Dominum? liberari à vinculis?  
redimi à jugo dæmonis? an ergò non  
gravius onus, currere, & ambulare viam  
iniquitatis? fili! in puncto salutis, quàm  
cæci! quàm pigri! quàm & stulti su-  
mus!

*Instructio meritoria.*

Abstergamus hanc nostram cæcita-  
tem, & quia petulans corpus causa est  
unica dilatae conversionis, actu rigoris  
coërceatur, & sacrò cilicio humilietur:  
Scriptum est enim: Qui odit animam  
suam in hoc mundo, in vitam æternam  
custodit eam.

III.

**E** Turbis, periculis, & impietatibus  
misericorditer vocati sumus, ut  
essemus vas electionis Deo, Ejúsque No-  
men portaremus coram gentibus, infi-  
delibus, & peccatoribus. Sed quomo-  
do? verbò, & exemplò; plus tamen  
exemplò veri, & zelosi Christiani, ô fili!  
Quanta vocationis nostræ obligatio! ubi  
retributio? vivamus *alii*: & solvamus  
factis.

*In-*

*Instructio meritoria.*

Excutiamus insuper segnitiam nostram, & hodie flectentes versus quatuor mundi partes oremus *quinque Pater & Ave*, ut Deus submittat viros Apostolicos, quorum spiritu, & zelô animæ jamjam de salute periclitantes feliciter salventur, & hæ quàm plurimæ. Chare! justa petimus: Impetrabimus. Solùm orantibus non desit constantia.

Solemnitas S. Joannis Chrystomi, Magni Ecclesiæ Doctoris.

## EXHORTATIUNCULA I.

**E**Cce! Magnum Ecclesiæ Oratorem! magnum verbis: majorem factis, maximum virtutum exemplis. Hi gradus sunt, quibus ducimur ad montem religiosæ perfectionis, & miræ sanctitatis. Fili! scandere lubet? sit nostra comes generositas, & Christiana prudentia. *Fortitudo, & laus mea Dominus.*

*Instructio meritoria.*

A verbis incipiamus, & bonos discursus, ac colloquia religiosum decentia inducere inter nostros, vel promovere fa-

tagamus. Thefaurizemus & nobis quotidie in multis precibus, & ardentissimis suffragiis ad Deum, Mariam & Sanctos fundendis. Linguam sanctificemus recitandò *Psalms graduales*. Ita os nostrum os erit S. Chryfostomi.

## II.

**S** Chryfostomus parcat nemini ex improbis; quia timet neminem. Hinc aulas, & principes in suum fuscitavit caput, optimè gnarus: Præstat displicere homini, quàm Deo. Fili! Deus! an homo imperat nobis? Despici meretur à Deo, qui in hujus causa hominem respicit. Deum suspiciamus, & pergamus, non quò invitamur, sed quò procedendum.

*Instructio meritoria.*

Ut tollatur respectus politicus, & humanus ex cordibus omnium religiosorum, præsertim superiorum, omnisque cura impendatur disciplinæ Monasticæ seclusò hominum vanò timore, in honorem quatuor Doctorum Ecclesiæ *duodecim Pater & Ave* cum totidem *Gloria Pa-*

*Patri &c.* persolvamus. O quot veritatis Christianæ nacti sumus Magistros!

## III.

**M**ulta scripsit S. Chrysofostomus, eò spiritu, & zelo, ut dignus sit æstimatus, cui S. Paulus Apostolus (quem ille coluit mirè) scribenti, & prædicanti dictasse, videatur. Laborantibus pro Deo, & ipsi succurrunt Cœlites. Filii mi! non simus desides! possumus & nos: modò prompta non desit voluntas ad pios labores. Hîs emitur Scientia Dei.

*Instructio meritoria.*

Cum gaudio proin nostra aggrediamur studia, nec tœdio, nec torpori, nec defatigationi cedamus. Verùm ut Deus nobis suâ potenti adsit gratiâ, studiis præmittamus *Veni S. Spiritus.* Cui & orationem de Festo S. Chrysofostomi addamus. Sapientia donum est Dei. Non datur nisi supplicanti.

Festum S. Francisci Salesii, Divini Amoris Magistri.

EXHORTATIUNCULA I.

**F**lli ! fortè S. Franciscum Salesium non novimus hætenùs ? Ecce ! fuit decus hujus sæculi, virorum Apostolicorum, & Episcoporum exemplar, pietatis, & amoris Divini Doctor peritissimus. Quis non fatagat esse cultor, & amator Viri coram Deo, & homine preciosissimi ? Rari si hi sint, augeamus sanctitate & nostrâ justitiâ.

*Instructio meritoria.*

Ut amatores crescant Dei, & S. Francisci, præsertim in S. Familia à Salesio quàm piissimè instituta, fiat una hodie specialis Visitatio Sanctissimi Altaris Sacramenti. Cum recitatione *Litaniarum* de Eodem. Si S. Franciscum quaeramus, cum Jesu in tabernaculo inveniemus. Properemus !

II.

**Q**uidquid scribendum, componendum, legendum, aut agendum, id omne exordiebatur à Verbo : *Vivat Jesus.*

*sus.* Hoc Nomen totum exhauriebat Salesium. Nec cogitabat, nec loquebatur, nisi: *Vivat Jezu! Amor meus!* Operarium fortunatissimum, cujus opus à Jezu incipit, & in hujus amore desinit! *Tristatur aliquis? veniat in cor ejus Jezu.* S. Bern.

*Instructio meritoria.*

Sit & eadem per diem tessera continua in ore; imò & schedulis inscribamus, & intrà cellas, aut lectisternia suspendamus. Sic Jezu non erit procul à latere nostro. Recitemus & *Litanias* de Sanctissimo Nomine Jezu. Amici nomen si audis, lætaris: quid si Nomen Redemptoris? Salvatoris? Amatoris?

III.

**F**ili dilecte! cor nostrum mutemus cum Corde viri hujus Seraphici. Franciscus caruit omni felle, & cordis acerbitate. Ideò purum mel fudit in proximum, ægrotos consolandò, pauperes eleemosynis ditandò, peccatores docendò, & errantes oviculas suaviter ad

Christi Jesu ovile attrahendô. O no-  
bile cor! O quàm rarum homini.

*Instructio meritoria.*

Ut meritîs S. Francisci obtineamus  
*sex actus* mansuetudinis reflexè exercea-  
mus unâ cum *dolorosò Rosariò*, quod  
offeramus pro illis, quos sæpè nostrâ  
impatentiâ, & indignatione offendi-  
mus. Est hæc voluntas Divini Magistri  
præcipientis: discite à me, non mun-  
dum fabricare, non cuncta visibilia, &  
invisibilia creare, non in ipso mundo mi-  
rabilia facere, & mortuos suscitare; sed,  
quoniam mitis sum, & humilis corde.

Festum S. Petri Nolasci Funda-  
toris S. Ordinis De Misericordia ergà  
captivos.

EXHORTATIUNCULA I.

**D**iscamus à S. Petro succurrere pro-  
ximo. Is S. Ordinem instituit, qui  
animas servaret vel à tyrannide, vel à  
dæmone captivas. Quid agit charitas  
nostra? captivi ò quot adhuc existunt?  
sed ubi Petri? ubi redemptores? non  
advertuntur; quia paucissimi. Non  
quæ

quæ Jesu Christi, & afflicti proximi, sed  
quæ sua sunt, quæruntur, curantur, &  
diliguntur. Hinc dominatur & impe-  
rat amor sui. Sed væ regno, cui puer  
præest!

*Instructio meritoria.*

Pro incremento, & flore Ordinis tam  
Charitativi opera totius hodiernæ of-  
feramus diei. Ad noctem gratiarum  
actionis locò, quòd Deus hanc S. fami-  
liam submiserit periclitantibus, intone-  
mus vel in templo, vel cellula *Te Deum*  
*Laudamus*. Quis non gaudeat de tan-  
to animarum remedio, atque lucro?

II.

**A** Ngitur S. Petrus de re domestica.  
At mox vidit Matrem consolatio-  
nis Mariam, & dicentem: Fili! *Ne du-  
bita: in paupertate non te deseram:  
studeas, & servias filio meo, &  
mibi*. Amice! nostras curas, & coe-  
lo, & Mariæ commendemus: eri-  
mus inter negotia uti quieti, ita &  
faustissimi. O chare! quàm bo-  
num Patrem! quam piam & Matrem  
habe-



habemus in cœlesti patria! Utamur  
sunt paratissimi ad nostra obsequia!

*Instructio meritoria.*

Hodiernas actiones principaliores in-  
choemus à Jesu, & Maria, præmittendo  
flexis genibus: *Ave Maris Stella*,  
omnesque superfluas curas in Vulnere  
Jesu, & Ubera Mariæ abscondendo cum  
tessera: *Cœlum providebit!* Quærere  
primùm regnum Dei.

III.

**N**Ox inimica est animæ: Sed non  
piorum. Suaviter dormiunt S.  
Petri discipuli: dormientibus assistit  
Maria, & ne quid damni inferret dæ-  
monis invidia, maternè protegit. Ita  
dormire quis non exoptet? Fili! tam  
dulciter dormiemus, si nostra ad le-  
ctum comes iverit Maria.

*Instructio meritoria.*

Præparatio pro somno sanctissimo est  
ipsa conscientia nocturna discussio. Hanc  
quotidie præmittamus cum *formula vo-*  
*tiva*, & *Litaniis Lauretanis*. Nomen  
Mariæ ô potens scutum pro dormien-  
tibus!